

928
7
1

廣  
成  
集

—





廣成集  
七卷  
十

四部叢刊集部

上海涵芬樓借京師  
白雲觀藏正統道藏  
本景印原版每開十  
行匡高營造尺八寸  
三分寬營造尺七寸

廣成一

廣成集卷之一

敢一

上都太清宮內供奉應制文章大德賜紫杜光庭撰

代陶福太保修瀆口化請額表

臣某言伏以瀆口化者即二十四化之第十  
八也節應配於小滿列宿應於畢星陳安世

白日昇天臺蹤尚在褒女仙乘車得道轍跡  
猶存每歲孟秋准勅祈醮頃自用軍之後併  
已摧殘古殿空壇僅餘基地仙儀像貌盡翳  
榛蕪往來絕瞻敬之門仕庶無歸依之所豈  
期福地一旦蕭條巨輒備興修願資聖壽伏

惟陛下軒帝靈源緱山仙緒繼天御極用道  
臨民萬方榮廣覆之慈三教被惟新之澤芝  
田柰苑咸荷精嚴古廟儒宮亦蒙繕飾况是  
長生之教敢申崇葺之儀旋以剪薙蒿萊興  
營宇室像設免嗟於暴露簪冠克遂於焚修  
邈彼靈蹤還為勝槩香燈有託齋醮無虧兼  
召道士楊玄敬獨孤知元何某等三人就觀  
居住訖但以荒涼既久門額全無敢祈雨露  
之恩特飾神仙之境其化伏乞聖慈依瀆口  
舊名仍賜給聖壽額許臣自製造懸挂庶使

廣成一

琅書銀榜長懸日月之輝漢水仙山永祝聖  
明之壽臣某無任之至

謝新殿修金錄道場表

臣某言伏奉聖旨與右街威儀何冲徽等二  
十一人於新殿內修金錄道場七晝夜今月  
十四日開至二十日散供奉官楊紹業依時  
設拜言功表贊訖者伏以天贊聖功鼎新大  
內瑤軒玉砌超三島之龍宮青瑣丹扉逾九  
清之鳳闕叶皇居之壯麗覩帝宅之深嚴萬  
國仰瞻千靈森衛纔畢瓊宮之製先開金錄

之壇鋪舒而一一精新祇敬而重重蠲潔龍  
香上達依稀而萬聖俱臨瞻月低光彷彿而  
千真入會延洪膺筭遐永皇圖近臣拜手以  
投詞宰輔齋心而瞻祝殊禎允集巨貺無涯  
隆大寶於千春總八絃於一統臣等叨膺科  
教一 教獲備焚修豐玉膳於天厨躡雲庭於仙境  
執榮已極頒錫荐臨伏蒙宣賜視錢銀器足  
段等澤深溟海恩重嵩衡顧慙鶴鷺之微何  
報聖明之獎臣無任之至

謝恩除戶部侍郎兼加階爵表

廣成一

臣某言伏蒙恩勅除授光祿大夫尚書戶部  
侍郎上柱國蔡國公廣成先生者睿慈眷煦  
宸翰雲敷叨榮而但覺逾涯荷渥而固知所  
措臣某中謝臣聞聖明居上是必授任才能  
俊又在官乃貴陳力就列皆以道包經濟言

達變通上有致君之能下盡為臣之節處既  
得地用務適時苟虧利物之期必致取容之  
謂如臣幽懦榮奉休明循顧庸襟敢臻殊寵  
伏惟陛下披圖創曆握紀繼天明逾兩曜之  
懸德合二儀之普滂滌氛垢蘇秦寗區功宣

而萬有同心化被而八紘繞指夢通巖壑股  
肱符命說之求景仰煙波輔弼契非熊之兆  
元勳貞佐捧日扶天人傑時英誕星降嶽青  
宮翼贊日月重光朱邱忠貞盤維增永巨某  
江湖賤質簪褐微才為儒既昧於成麟學道  
甘期於畫虎矧復辭吳歲久奉聖年深杳無  
山水之恩每感風雲之會歸樓照育三十餘  
秋施重嵩衡遇深溟渤變枯荻為茂草起敗  
骨為豐肌徒曰竒功難借聖獎是以臣俯盈  
丹懇積感皇慈曉動神魂夜驚形影効報未

廣成一

申於絲髮憂惶空溢於肺肝况復啓運之初  
垂裳之始錫峒山之美號如北省之華資無  
以身諭國之譚上禪天聽之造膝沃心之議  
仰副宸衷揣身世而榮顯居多於爵位而貪  
養已極豈可重塵清級更履殊榮紹碧落之  
嘉稱集玄關而璪質且如漢推舅情晉有雉  
川未聞聯居清重之司再踐非常之秩揣量  
戰越進退兢榮仰對宸嚴無階陳讓唯虔砥  
礪永答鴻恩巨不任

謝恩奉宣每遇朝賀不隨二教獨引

對表

臣某言伏蒙聖慈以臣每有起居稱賀皆與  
道衆僧人齊班特降宣旨令臣自今已後獨  
入引對不隨衆例者禮加異等事越常倫褒  
稱發自於聖心榮盛獨光於道域隆恩顯示  
負戴難勝臣某誠榮誠懼頓首頓首伏惟陛  
下誕睿承天執符御曆包乾坤而覆載慈日  
月以照臨炫金鏡之光華無幽不察調玉燭  
而亭育有物皆春由是露灑天根澤流地表  
肅武功而定氛侵桀黠悛心修文德而服要

廣成一

荒妍克革面毳幕穹廬之俗冰居穴處之鄉  
重趺來庭占風入貢理定而樂作功成而禮  
行舉三代之頽綱興百王之墜典有公有革  
無黨無偏至若群后朝元垂衣當宇儼三傑  
十臣之佐冠非熊審像之賢文物羽儀輝今

敢一

四

五

映古其或雲衫羽服仰丹階而効嵩呼白足  
方袍列彤庭而申華祝此時微臣常依旅進  
得面雲階每驚巖壑之微獲在煙霄之上今  
則迥隆睿獎頓革前儀念臣雖迹預簪冠而  
身叨爵秩清級纒移於北省華資又接於南

曹持令敷奏之時不雜緇黃之侶俾其獨引  
顯示優恩昔者魏重謙之梁尊貞白漢稱曼  
倩秦有子平禮容靡覲於新規朝挹皆循於  
常度今者降九天之明命垂萬世之宏規退  
省幽辱但切凌兢之感顧慙纖弱何勝雨露  
之恩惟勵丹誠永酬鴻澤臣某無任之至

謝獨引令宣付編入國史表

臣某言伏蒙聖慈特降宣旨賜臣不隨二教  
獨引對駁以臣謝恩表宣付史館者迥自宸  
表光申異禮仍編信史永載優恩祇荷難任

廣成一

六

寵榮增極臣某中謝伏惟陛下大明御曆至  
聖宣功廓覆載以覃恩並曦舒而流照賢良  
入輔庭多命世之臣夷夏歸仁府積殊方之  
貢有俗皆臻於富壽無為欲蹈於華胥由是  
蓬島芝宮咸加炳煥祇林柰苑畢集精嚴四

故一

五

靈挺質以呈休六氣調時而表貺玄儒鼎盛  
緇褐同歡臣猥以常倫榮逢景運道藉兩  
塵於美號官榮再履於崇班別顯殊恩賜其獨  
對緇黃班裏受宣而徑上雲天鷄鶩庭中顧  
影而疑生羽翼今則寵編國史昭示寰區迥

隆非次之恩永載不刊之典荒愚有素難勝  
雨露之深蕭芥至微何報乾坤之德唯  
勵上答聖明臣不任

賀黃雲表

臣某伏觀鴻臚卿趙溫珪奏本月二十三日  
皇帝駕幸得賢樓看閱將士皇太子自城南  
閱馬帳頭迴入城至酉時城上有黃雲兩片  
狀如華蓋逡巡變爲紫色者臣謹按堯之誕  
生常有黃雲垂覆舜之御宇常有黃雲凝空  
又漢宣帝幸甘泉宮紫雲入殿宋世祖踐祚

廣成一

紫雲見於端門黃帝有瑞雲以雲紀官今者  
德動天休瑞呈雲物華夷共仰海嶽同勸臣  
其中賀伏惟陛下體道握符惟天縱聖仁周  
動植惠普寰瀛柔遠俗以文明懾兇奴以武  
畧蓋以中原未泰品物未寧將申戡靜之機

七

用拯生靈之弊校律則南摧醜虵鑿門則北  
掃煙埃鐵軸牙檣水耀龍驤之旅霜戈雪戟  
陸陳隼擊之師振動山川奔驅雷電佇聞恢  
拓以廓乾坤爰命皇太子訓整六軍申明三  
令蒙輪挾輶之士壯氣凌空拔山扛鼎之夫

雄心貫日皆堅金石咸勵忠貞允合天心果  
昭靈貺輪囷對起蕭索齊凝成金柯玉葉之  
奇高浮帝座變紫蓋如葩之狀低接皇城初  
呈蔭鼎之姿漸結臨關之色有以見圓宮贊  
祐皇德升聞越唐堯虞舜之徵超宋祖漢宣  
之感自此率賓八極文軌萬方增聖壽於億  
千固宏基於隆永臣躬深膺獎疊觀殊祥敢  
謠詠以抒情誠効謳謌而頌聖德詩一首陳  
進

賀雅川進白鵲表

廣成一

伏觀嚴道縣多功團崇善里百姓李彥韜於  
楠樹上獲白鵲進獻者五行表瑞見金運之  
隆昌百辟同瞻賀玉京之賚貺臣其中賀臣  
聞王者正名立訓體乎天意勝殘去殺慰此  
人心則有異木珍禽來儀朝闕霜毛動色紺  
趾標奇斂羽呈姿應見徒誇於漢魏傳聲送  
喜翱翔顯奉於皇明伏惟陛下瑞冠百王功  
超三古協序而風調禹律燭昏而鏡滿軒臺  
亭毒萬方再樹乾坤之本照臨下土重懸日  
月之光鄙炎漢之息肩邁唐堯之鼓腹人謌

歲稔物賴時康況乃萬旅貔貅千營鎧甲擒  
兇剪弊撫弱字孤雷掀鉦鼓之行雲點旌旗  
之舉發令而雄豪踊躍申恩而疲瘵昭蘇五  
星運度以垂休八海承風而寢浪遂至山河  
效祉禽羽呈祥遠離海上之巢來對雲中之  
闕觀其玉籠乍啓雪姿不驚望聖死以徊翔  
對天慈而鼓舞柱未瑤陛棲汨珠簾認素羽  
以難分聽新聲而已熟不是成橋之侶殊非  
繞樹之群既彰國雪之容實煥來金之盛佇  
見干戈載止奸邪屏除蕩疆場之煙烽永歸

廣成一

九

北極靜寰區之榛梗自我西方信超魏德之  
雄更掩漢成之代巨獲逢昌運累覩殊祥輒  
陳訝頌之詞上洩聖明之鑒臣謹課頌聖德  
紀瑞詩一首陳進千濟冕旒無任之至

賀天貞軍進嘉禾表

臣某伏觀天貞軍留後崔善進射洪縣百姓  
王友田上嘉禾合穗圖者聖德遐通祥符疊  
至文武瞻觀中外歡呼臣某謹按瑞圖云嘉  
禾者美瑞也稔歲精王者德至於土則二苗  
同秀昔者唐叔得禾異畝同穎成王問周公

曰二禾一穗意天下和同乎王命唐叔作嘉  
禾篇由是九土會同八紘歸化旅獒西貢越  
雉南來三十世之宏基七百年之大業輝前  
映古逾夏掩商今在聖明復彰斯瑞伏惟陛  
下紹軒皇之聖緒承同帝之洪源應曆數以  
配天總華夷而類帝惟恭惟儉絕嗜音酎酒  
之娛乃聖乃神有明目達聰之美弘武德而  
先懲不軌電掃奸妖播文風而旋撫戎羌雲  
奔驟責憂勤黎獻軫憫耕農歲致豐穰田無  
災潦德通于地見共秀於二苗應達乎天果

異畝而同韻契聖祖興周之瑞表吾君拓土  
之徵昔則和天地為一同今則包萬方為一  
統况屬王師薄伐誓衆弔民雄稜已懾於彼  
方禎異先呈於近境佇觀收剋永蕩氛霾開  
九天日月之光顯符周卜合四海生靈之望  
敬一  
同此唐禾臣竊仰瑞圖賡誦聖感願預採詩  
之錄思陪唐叔之篇謹課頌聖德嘉禾合穗  
詩一首進

請駕不巡幸軍前表

臣某伏觀宣旨駕幸北路軍前者臣聞展義

巡功禮經垂典誅兇伐叛有國通儀蓋欲迴  
廣照於一方輯五瑞於群后剪其暴亂慰彼  
蒸黎況蠢爾邠岐久迷大順匪朝伊夕即覲殄  
平不足以親駕戎車遠臨狡穴顯顯衆懇  
僉用驚疑伏惟陛下逾舜文明超周神武稟  
秋霜之令敷春育之恩委以至公推其大信  
覆載之內風偃化行而隴渭之鄉岍岐之俗  
甘寒谷之氣自棄陽和息惡水之陰顯孤臨  
照恃蟻封而稱固巢鷺悞以偷安今則上將  
專征雄師薄伐遠憑宸筭必剷根荑竊惟漢

曲褒川方當寒沍霜雪嶮棧豈易躋登况射  
鮒穿蠅詎用千鈞之弩孤城荒堞寧銷萬乘  
之威伏乞聖慈俯徇群心特寢成命佇觀剋  
捷永統華夷千冒宸嚴無任戰越兢懼迫切  
屏營之至謹詣閤門奉表陳謝以聞

敢一

九

第二上表

臣某伏覩宣旨駕幸北路軍前皇太子宰臣  
百官等上表陳請未賜俞允者省方風俗雖  
經典之舊儀慰撫師徒乃君父之慈照但以  
道途險阻水陸嚴凝遐邇通群心實實憂灼伏

惟皇帝陛下體堯慈惠逾舜欽明欲令寰海  
之人盡沐雍熙之化憬茲沂隴密邇封隅久  
負歡盟深辜恩信識變通者已束身効順迷  
向背者猶掩耳偷安致一境之生靈銜積年  
之怨抑狗吠堯而有日思慕舜以無由所以  
授姜鉞以整師築韓壇而誓眾風馳號令兩  
驟雄豪上將等威震雷霆心堅鐵石指期剋  
日必就削平豈勞親駕翠輿躬魔白羽六龍  
八馬驅馳嶮棧之中萬騎千官迢遞層峯之  
外方零霜雪漸逼泛寒伏乞聖慈俯聆億兆

廣成一

之情特駐省方之命上為宗社下慰華夷佇  
對捷書更開土宇臣叨深睿獎倍慊明誠塵  
浼宸嚴不任待責望恩迫切禱祈之至

謝恩賜興聖觀弘一大師張潛修造表

臣某伏奉恩勅宣賜左街興聖觀弘一大師

張潛令修葺住持者寵自宸衷榮臻道域簪  
裳增抃芝朮騰輝臣某中謝伏惟陛下道均  
軒后聖並放勛凝懷於姑射之峯寄夢於華  
胥之境瞻言大教理契生津栖神混合於無  
為屬念潛期於有德化合清靜善利邦家觀

宇蕭條像設塵翳爰敷綸渥載俾葺崇伏以  
前件觀地接玉清昔爲道學尋改真元之宇  
復標紫極之宮至德年中易名典聖前臨廣  
陌東距錦江宛是靈墟實惟勝所況門庭具  
設像貌儼存誠歷代之仙蹤乃皇都之福地  
今則重加繕飾畫撤葦腥拂塵埃於秋陋之  
中還瞻玉相蕩瓊甍於蒿榛之內別築瑤壇  
灑雨露而騫樹增榮薦沈麝而睟容伊穆張  
潜等精專剖劂恪勵住持夕磬晨鍾祝遐長  
於聖壽朝香暮燭期隆永於皇圖臣某獲列

敢一

十

廣成一

教門躬榮膺澤不任之至

十三

謝恩宣賜衙殿點鐘表

臣某伏蒙聖旨宣賜衙殿前點鐘一口於日  
院內充齋醮扣擊者恩垂霄漢榮及簪裳林  
蹈無階輝華增極伏惟陛下二儀覆燾三景  
照臨澤浸無涯惠敷有載故得八溟息浪長  
鯨將殄於昌時五緯循常巨孽欲銷於永夕  
削平夷夏倒戟干戈而復俯軫皇情留慈玄  
教致感應於洞府符應見於靈仙固當齊聖  
壽於日月星辰隆寶祚於乾坤海嶽今者念

臣院宇之內箕箒未全每於齋醮之辰尚闕  
春容之響既乏通真之器莫諧集聖之儀輟  
瑤階泛日之音來從天上頌豐嶺含霜之韻  
降在人間事超錫樂之榮恩重點鐘之賜永  
當炷焚芝朮禱祝真靈冀啓禎休仰酬聖獎  
所宜賜鐘臣謹以焚香祇受訖不任

謝恩賜玉局化老君表

臣某言伏奉恩勅宣賜舊玉局洞門石像老  
君歸龍興觀御容院閣下西間奉安供養其  
蓋石舍一區移拆就觀起立并賜錢設齋道

衆將幡花引歸觀表讚等者皇澤濤臨玄門  
增耀康莊改觀道俗同歡臣某中謝伏惟陛  
下法道披元垂衣運化暢清靜無爲之理敷  
希夷不宰之功已洽大寧將臻一統以玄元  
像貌容適宸居雖香燈無曠於常儀而供養  
合歸於法宇爰申明命豐備齋羞焚蘭朮以  
飄香森幢幡而成列鏡金鳴玉纔離象闕之  
庭雲邁風行遽入龍興之閣群心瞻仰萬衆  
歡隨雷誼讚悅之音霧集聖明之福臣與道  
衆等獲栖大教疊荷隆恩永勵修持上酬睿

獎不任之至

賀收隴州表

臣某伏觀北面軍前隴州節度使桑簡以手下兵士及城池歸降收復隴州者睿筭遐宣元勳効節纔申薄伐已復雄城臣其中賀伏惟陛下聖邁黃軒威超周武運神機於掌內動有成功料勦敵於殼中舉無遺策自岐郊負義關外舉盟深辜敦好之儀遽絕睦鄰之分擁材狼之一旅恃疆土於三洲策折葦以偷安坐積薪而稱固小不事大春秋所誅所

廣成一

十五

以義士盱衡謀臣扼腕皆期殄掃遂舉戈矛六軍奮躍以爭先八校喑鳴而致勇蹴土竹摧於兵岳飲馬將竭於涓流桑簡以智合變通心明向背倒戈銜璧効命投誠獻千里之山河不施寸刃復一方之戶口無損秋毫便

敢一

十二

迴亮社之鋒自收商受之衆想回中之路絕退且無歸顧灞上之讎深窟將奚適料其元醜即見梟擒看通於八水三山永統於九州四海俱頌舜曆盡入禹封臣獲奉昌期累觀大授無任之至

壽春節進章真人像表

天漢元年  
二月八日

臣某伏以皇圖昭永上帝開祥北極瑤樞煥  
虹光而誕膺中天玉斗飛紫電以凝華萬國  
歡瞻羣心增抃伏惟陛下二儀炳靈九清集  
瑞至化塞乎天地清明肅於鬼神肇三十世  
之宏基方隆周業興四百年之景運佇越漢  
圖浸德澤於玄儒鼓薰風於夷夏今屬壽春  
大節祝聖昌辰驟賁雲馳梯航波委咸修芹  
禮以繼山呼臣與當院道士等虔拂華壇精  
依祕格諷琅書寶軸披霧韞霜羅克嚴蠲潔

廣成

十六

之誠永廣乾坤之福鑒聖真人昔師道祖躬  
受靈篇傳真記於先天絨瓊文於福地豫明  
皇業洞達玄樞嵩公之識神堯貞白之知梁  
武以之校羨詎可同年是敢藻績練繒式資  
瞻仰庶因焚炷克嗣禎休干冒宸嚴臣無任  
祝聖虔切屏營之至其畫像功德數等謹詣  
閤門奉進以聞伏聽勅旨

敬一

十三

黃萬祐鄧百經賜紫衣師號謝恩表

臣某伏觀恩勅夔州道士黃萬祐賜紫衣仍  
師號羅江縣道士鄧百經賜紫者大聖御天

神功及物庭有賢良之佐野無遺逸之人率  
土朝宗允當聖日臣某中謝伏以黃萬祐等林  
求得志麋鹿為羣深處巖蘿罔窺名利或  
毋華救物有迴生駐景之能朱篆誅邪有蕩  
魅除兇之効皆張道用潛贊明時遽捧鶴書  
來朝鳳闕萬祐既趨於錦水百經至自於羅  
江共仰堯天俱榮舜澤歷觀前史莫得比倫  
伏惟陛下道邁唐堯功高軒后想汾水凝神  
之日尚遠九重比峒山請益之辰猶勞載駕  
今則蒲車允至桂棹云來徑捨煙蘿躬朝旒

宸顯封嘉號俱錫彤章美輝簡編光揚簪榻  
不任之至

廣成集卷之一

廣成集卷之二

上知太清宮內供奉應制文章大德陽業柱光庭撰

詔與黃萬祐相見謝表

臣某言伏奉宣旨令臣就內樞密院與弘道  
大師黃萬祐相見者天慈軫念俯及孱微荷  
戴難勝兢榮增極臣其中謝伏惟陛下化弘  
有道理尚至仁憂勞普及於萬方軫念無遺  
於一物故得眠雲逸士遙馳向闕之心傲世  
高人盡識朝天之禮弘道大師夙探至術深  
隱巖巖名姓可聞儀形莫覩今者爰隨徵詔

直詣闕庭捨草帶荷裳寵紫衣師號事光史  
筆榮耀道門伏蒙聖慈宣命微臣與之相見  
獲奉睿明之獎得瞻雲鶴之容步武壺天躋  
昇蓬島祗膺異渥榮耀萬生顧惟鷦鷯之微  
何報乾坤之德臣某不任

奏於龍興觀醮玉局劄子

敢二

右臣先蒙今年十月二十二日宣賜舊玉局  
洞門官舍一所并石像老君一座移在當觀  
其舍今於殿後講堂基上起立功畢便用安  
置石像老君焚修洪養伏以名山大川二十

廣成二

四化春秋常祀著在舊儀其玉局化所修常  
醮伏請起天漢元年二月八日委本府縣祇  
就龍興觀玉局石像老君前修設冀免曠闕  
以叶敬恭又北却化在雋州積年已來醮祝  
皆闕汎居率土之內且申咸秩之文前件已  
化今亦欲就龍興觀一處與玉局同用延祝  
景既永福聖朝謹舉如前伏聽勅旨

皇帝為太子生日設齋表

右臣伏奉聖旨為皇太子生辰宣賜莊宅庫  
錢陸拾貫文省除於北帝院差選道衆二十

一人於七月八日開置黃錄道場七晝夜至十五日散齋者伏以紫氣充庭青宮誕睿動歡聲於六合凝喜氣於九重凡在寰區皆虔祝賀伏惟陛下恩周中外念軫臣寮以皇太子素切修行常思儉約懼無名之破費使衆力之煩勞應諸司欲有齋修並令止約頒賜內庫錢物特開仙觀壇場析玉京金闕之真廣宸殿離方之福美高典冊事邁古先巨某獲奉絲綸將申焚祝覩惟新之寵澤垂鴻大之宏規不任抃蹈之至謹錄狀陳賀謹奏

廣成二

諸老君殿修黃錄齋表

三

臣某伏奉宣旨於北帝院奉太上老君修黃錄道場三日設齋散壇給內莊宅庫錢陸拾貫文省除差選道衆二十一人行道禮懺須令精潔伏惟陛下功包五帝德懋三皇凝旒敷有道之風端宸暢無爲之化宸心密感萬靈響應以潛通睿想遐周四海雲隨而奉聖故得乾坤交泰日月貞華歲阜年康風恒雨若神戈所指長蛇與封豕皆誅惠渥所覃虐魃與潛螭自屏由是仙山邃洞休瑞繼聞玉

印銅符禎祥間出今則拯橫流之難興時雨  
之師將廓八溟同歸一統而猶翹心玄教讓  
德皇穹於中元齋潔之期備三境香花之會  
上答玄元聖力特開黃籙寶壇用臻巨福洪  
休克固瑶圖睿壽啟二巨獲隆聖獎祗奏德音唯  
勵精誠以虔焚祝不任荷載之至

宣示解泰邊垂謝恩表

臣某伏奉聖旨宣示東北面軍前所奏得鳳  
翔出歸宮健王彥劉等分析賊中事宜并有  
謠言泰邊垂曲子待來年者臣某言伏以天

廣成二

道玄微潛司兆朕神功幽晦實主福祥必憑  
謠詠之言以告休禎之旨昔吳時青童謠於  
廣陌尋驗吳亡陳時異鳥下於高臺果彰陳  
滅五星飛落爲虞舜受國之期一馬化龍乃  
元帝興王之應斯皆發於天意感契人心詳  
考嘉言尤歸聖德伏惟陛下繼天誕睿應運  
啓圖徇億兆之樂推撫臨海嶽承昊穹之賤  
命拯救生靈國寶珍符不求自至夷琛塞賚  
望日爭來而猶北境負恩孤城背義坐積薪  
之上即致焚燒巢折葦之端立期齏粉果見

四

明神示讖里巷傳謠竊聞所告之詞便生剋  
平之義所言邊垂者乃國家散關之外即是  
國之時兩之師神道言祥光陳後后之詠成  
功克敵翹足可期即當蕩定三秦統臨萬國  
瑤圖寶曆地久天長臣獲奉天慈躬聆吉語  
輒陳淺見干浼宸嚴不任之至

謝宣賜天錫觀莊表

臣某伏蒙聖慈宣賜漢州通記縣天錫觀唐  
友則莊壹所永充常住者伏惟陛下繼天受  
命應運垂裳鴻圖豫定於上清寶冊遠呈於

廣成二

厚地鼎新觀宇允答休禎三殿之像貌崇嚴  
終歲之香花精潔今則特頒睿澤廣錫莊田  
輟彼膏腴永爲常住皇慈迥降玄教增榮自  
茲日給齋羞免有旁求之闕晨香暮燭益專  
焚祝之心祈聖壽之延洪保宏基之隆永臣  
某叨榮聖獎躬荷殊恩不任之至

敬二

謝恩令僧行真修丈人觀表

臣某伏觀惠進大師僧行真狀奏奉聖旨修  
青城山丈人真君殿功畢者伏惟陛下恩撫  
萬方仁深二教祇園蓬島咸均崇飾之慈鹿

苑龍宮俱被興修之賜爰於仙宇特命高僧  
載申剗刷之功克就莊嚴之勝俄成邃殿永  
鎮福庭期五山十洞之靈增彌劫齊天之壽  
臣獲居玄教躬荷皇慈不任之至

宣為皇子修生日道場散齋表

臣某伏以九天集貺三景凝祥動樞殿以飛  
光降春宮而誕秀華夷增抃億兆同歡皇帝  
廣捨緡錢精崇齋福必冀上清照鑒隆萬壽  
於聖躬至道貽休介千祥於儲后克昌大寶  
永統九圍臣某等獲勸焚修榮頒觀錫不任

廣成二

惶懼之至

謝允上尊號表

臣某伏奉恩制命允宰臣等所上尊號者丹  
懇上陳皇明下矚自天有命率土同歡中謝

伏惟皇帝陛下玄鳥誕商亦符與漢救焚拯

溺神資命世之才日角月玄天啓乘時之瑞

懋宏勲而崇睿德功蓋前朝總曆數而廓洪

基祗膺寶運由是三靈改卜萬國攸歸鄙成

湯周武之君陳師用鉞笑創魏開隋之主侮

寡凌孤振衣而康濟九圍凝旒而光臨大寶

六

承耀魄中黃之祚執招拒西白之符握金鏡  
而照寰瀛人神交泰撫璿璣而觀海島億兆  
樂推故得御端門而嘉氣橫軒登圓丘而神  
兵扈仗謁清廟而玄雲四卷月瑩中宵膺鴻  
名而白氣輕飛煙籠廣砌麟呈沼沚龍躍江  
端草樹含文雲霞絢絲金符踴篆玉璽流光  
雖讓德於上玄已盈編於太史又若天涯地  
表右塞南荒列奇貨於明庭貢神駒於天厩  
寶香來於絕域美玉薦於殊封漢孝武之四  
隅請頒正朔唐高宗之諸國願混車書將復

廣成二

七

禹封更開堯土百揆時叙六樂克和信及豚  
魚恩加動植矜逋已責恤獄省刑天無入牢  
之星地絕成牛之氣俘囚繫頸咸躅鈇鉞之  
威孽黨臨誅特有緡錢之錫牲牲肥腓粢盛  
潔豐敢昭事於神明致仁賢乎綏冕達誠心  
於天地罄恭恪於郊禋感無不通動叶喜應  
不銜奢靡不御纖華無沉湎之遊無恣憊之  
感不尚馳騁靡徇畋漁靜必肅嚴舉惟典禮  
豐財和衆禁暴安人大閱以正武威大蒐以  
示軍實貔貅百萬皆蒙輪拔拒之豪駭牝千

群盡驥子龍孫之駿延獎忠孝博採器能片  
善無遺微功必錄專經雉子激之以高科靖  
節幽人縻之以好爵賞勤敦本務穡勸農歲  
多栖畝之糧時豐廩實野有如雲之稼國富  
家肥四隅無烽燧之勞百里有誦謠之樂星  
敬二  
芒武將功高而武列泐泐嶽秀儒臣業贍而  
儒風穆穆雖仲謀之興江表玄德之有坤維  
較美籌功曾何彷彿今則關河克靜鞞柝無  
誼鄰封之王帛交馳近境之于戈載戢人歡  
富壽政治雍熙文武誠臣願增徽懿中外歷

廣成二

懇華裔同辭果迴日月之光俯降允俞之詔  
戴圓履矩率土普天觀盛禮而有期仰高穹  
而增抃臣與道衆等不任踴躍歡呼激切之  
至

代人請歸姓表

臣聞磐石之宗義非他族維城之重實自本  
枝將垂久大之規合定親疎之分臣自乘文  
律識昧武經獲履戎行早塵天渥提戈擊劔  
惟傾報主之心北伐南征每誓勤王之節伏  
自皇帝陛下駕驅豪傑掃蕩寰瀛念其纖芥

之勞假以殊常之澤賜爲骨肉列在宗枋但  
勵捐軀冀酬睿造今屬以乾坤改卜天地降  
休土德潛移金行啓運徇華夷之推戴副億  
兆之歸依端居而神器自來遙同舜禪恭已  
而龍圖肇創不假周征緱山之寶祚天長淮  
水之瑤源地敢二久巍堯帝緒須承綿礎之宗浩  
蕩皇基難雜蓬門之子循襟省已榮極增憂  
輒披昧死之誠甘寘逆鱗之罪期分貴賤永  
叙仙凡伏乞聖慈許臣却還本姓干冒宸嚴  
無任待罪望恩涕泗隕越之至

廣成二

賀太陽合虧不虧表

臣某伏親司天奏今月一日丁未巳時四刻  
太陽合虧於軫宿十一度至未時四刻復圓  
今測驗不虧者日華騰景君德齊尊超術曆  
而不虧彰睿明之通感中謝伏惟皇帝陛下

元陽誕聖二曜均明昇若木於震宮曜貞輝  
於乾道體冬曦而流愛九有咸恩比春煦以  
延慈二無並照故得大明增彩推策難窺契  
覆載之殊休越陰陽之常度祥光彌盛玄德  
動天逾漢日之再中邁堯輝之合璧書之青

史實冠瑤圖臣獲奉昌期叨觀嘉貺退顧桑  
榆之景倍傾葵藿之心不任歡躍之至

謝恩宣示修文人觀殿功畢表

臣某言伏觀長平山惠進禪師行真奏伏惟  
宣旨重起立文人觀真君大殿功畢者聖造  
旁敷仙祠重創巨功克懋靈跡增榮伏惟陛  
下德洽萬方惠分二教文風遐布殊庭効柔  
服之誠武烈光宣異俗稟雪霜之令蓬宮崇  
苑咸遂興修寰區瞻禮樂之容夷夏識玄緝  
之訓功侔太古美冠前王去冬以文人觀置

廣成二

十

立年深堂廡凋壞命高僧而制度賜物力以  
興隆於是運石他山伐材幽谷榱桷入用剝  
剝程能俄成大壯之功克致齊天之固虛簷  
瞰日廣砌橫空雲拂危梁風生疎牖垣墉不  
改圖畫如新截岡阜而豁庭除闢溝源而護  
階磴衝流莫及迸石難侵遙符睿聖之慈願  
此殊常之績集奇功於不朽增聖壽以無疆  
臣叨列玄關夙深皇澤唯虔焚炷上答休明  
不任

敢二

八

宣醮文人觀新殿安土地迴龍恩表

臣某伏奉宣旨以青城山丈人觀新殿功畢  
修醮安謝者伏以陛下仁周海岳澤溥儒玄  
翹屬靈山垂恩仙觀殿宇之凋摧既久教門  
之興葺無由詔命真僧頒宣國力宏麗有礙  
於化出巍峩遽比於神功鎮彼福承與天齊  
永臣獲承睿獎虔啓醮壇嚴香燭以焚修通  
真靈而告謝霞峯雲壑如聆萬歲之音玉質  
金符更廣千椿之壽以今月二十三日設醮  
訖却迴謹詣閣門奉表起居以聞

賀獲神劍進詩表

廣成二

十一

臣某言伏觀今日趙匡業所進合州江上得  
神劍一口宣示中外者伏以將啓昇平祥符  
必降欲清兇孽神劍斯呈助聖明斬斷之功  
表天地匡扶之力伏惟陛下功超三五威爾  
寰瀛仁格幽明道均天地故得山川林谷吐

東二

十一

金焰於層崖風雨雷霆見霜鋒於萬里一條  
秋水初觀出地之姿數尺練光宛耀倚天之  
勢仍彰變化顯著神奇昔嬴帝得之於水心  
果吞六合今陛下獲之於江上即統萬方刺  
鍾切玉者詎可比倫斬馬斷蛇者那堪傳擬

臣榮逢昌運獲覩殊祥輒貢詠詩願揚睿感  
謹課頌聖德七言四韻詩一首陳進于浣宸  
嚴無任之至

賀誅劉知俊表

臣某伏觀勅旨劉知俊以兇橫暴常已誅戮  
訖者罪惡貫盈人神共憤允符聖斷克正嚴  
誅臣某誠抃誠快頓首頓首伏惟劉知俊性  
惟兇狡器本凡庸有貪狼苟且之心無報德  
懷恩之志傾思危迫歸我大朝顯敷雨露之  
慈旋受節麾之寄委之非次待以不疑更隆

廣成二

十一

推轂之恩特付專征之任而咆哮自恣殘忍  
為懷屠害黎元罔遵刑憲靡大國撫柔之旨  
辜聖朝吊伐之仁既負鴻慈難逃顯戮伏惟  
陛下恩弘天地仁冠堯湯體至道以好生布  
春和而照物夷蠻戎狄皆知慈育之深日月  
星辰共鑒包荒之廣而知俊獨違聖造肆用  
濫刑致遐傲之未通阻四方之向化今則雷  
霆震令斧鉞興誅使普天率土之人荷去惡  
除兇之德克昌祚曆永福生靈臣某獲覩宸  
威無任歡躍快抃之至

賀鶴鳴化枯樹再生表

臣某伏觀邛州團練使張敬周奏大邑縣鶴  
鳴化玄一大師郭昭美申當化有古栢樹內  
有七株枯多年今再生枝葉鬱茂異常州司  
差人覆驗有實者仙山表貺嘉樹呈祥符睿  
德之感通彰神功之茂育臣某誠歡誠抃頓  
首頓首臣按瑞圖云帝王德及草木政致昇  
平則松柏常生木有楨異伏惟陛下膺圖啓  
運握紀承天修文化而服遐荒耀武威而平  
九有恩周草木惠及蚍蜉窮蕃解辯以歸仁

廣成二

十一

廣俗梯山而納賚由是涵濡異類感動殊倫  
雪兔霜禽栖翔接影應龍神蔡表見為常今  
者玉洞雲峯靈墟古化當炎漢理平之際乃  
天師修道之鄉林麓森踈煙霞煥絕蒼崖薜  
織凌空之轍跡猶存翠墀莎封化鶴之壇基  
尚在而巖前古栢枯朽多年霑雨露以重榮  
吐萸芽而再茂喬柯裊翠密葉凝陰彼王廡  
之豫章難偕繁盛雖瀨鄉之仙檜莫繼禎祥  
惟七栢之興榮契卜年之遐永祥編瑞諫古  
昔無倫臣獲奉昌期頻聆嘉瑞敢陳謠詠願

播寰瀛謹課頌聖德七言四韻詩一首陳進  
稱賀以聞

賀西域胡僧朝見表

臣某伏以西域天竺僧到闕朝覲者天慈遐  
被異域懷歸致萬里之蕃僧朝千年之聖主  
華夷率化億兆同歡取二臣中賀伏惟陛下繼聖  
統天體元立極惠周覆載仁匝寰區戎蠻夷  
狄之鄉皆遵聲教舜禹商周之德莫繼欽明  
由是縣寶川馳梯航霧集貢無虛月史不絕  
書今者天竺遠戎葱山曼俗在積雪流沙之

廣成二

十四

外比峯岑鹿島之間遙望千霄之雲遂起朝  
天之意言須重譯路想經年崎嶇不憚於窮  
荒匍匐願瞻於聖日雖圖澄入夏祗辭于闐  
之東羅什依秦亦自龜茲之北校其迢遞亦  
驗專勤緬惟臣子之心允自聖明之感永編  
國史克廣聖功臣獲奉天光不任

壽春節進元始天尊幘并功德疏表

臣某伏以九曲澄瀾二儀交泰星渚表流虹  
之應斗樞開飛電之祥瑞叶千年歡周萬國  
伏惟陛下握符受命端宸承天弘至道而繼

三皇敷上德而超五帝化覃海嶽恩普華夷  
辨髮鬣裘常修職貢四荒八極畢贄琛珍平  
六府而天降殊祥洞三泉而地呈嘉貺莫不  
書彼玉篆波躍金鱗獸顯霜姿禽飄雪翅芝  
英菌蠢膏露歲蕤靈仙時見於煙巖貞槍重  
榮於雲谷瓊儲歲稔寶貨川臻無向隅不獲  
之夫有比屋可封之俗故得遐方慕聖異域  
歸庭鼓舞翹誠歡呼率化桑乾瀚海僧法靜  
則稽首朝天身毒巖賓三滿多則傾心八貢  
皆瞻北極共祝南山今屬日麗九芒風和八

廣成二

十五

景壽春大節誕聖昌辰輒繪真容願崇睿福  
臣某與當院道衆起今月一日開置靈寶延  
壽道場七晝夜香燈蠲潔焚誦精虔冀憑妙  
道之功永祝無疆之壽前件畫像及功德疏  
一通謹輒陳進干冒宸聰無任

敬二

十二

謝恩賜陽平山呂延昌紫衣表

臣某伏奉勅恩賜陽平山主呂延昌紫衣仍  
補充內殿焚修大德者恩垂霄漢榮及巖林  
草木增輝煙霞動彩凡栖簪褐共感休明臣  
某中謝伏惟皇帝陛下惟睿開圖握符御宇

仁覃九土咸臻禎昱之私政布八荒已洽雍  
熙之化由是群方述職重譯賓庭屬祝聖之  
昌辰標壽春之大節布鴻私於二教灑皇澤  
於萬區呂延昌久處煙蘿深精藥餌方專心  
於葺理敢企望於寵榮豈謂陛下念切勲臣  
獎深術學以呂延昌醫方著効致 彥謹危  
疾蠲除迺降隆恩顯頒命服寬裳象簡難勝  
天地之私暮燭朝香誓答聖明之照臣某與  
道衆等不任

廣成集卷之二

廣成三

廣成集卷之三

敢三

上都太清宮內供奉應制文章六德賜紫杜光庭撰

宣進天竺僧二十韻詩表

臣某伏觀西天三滿多到闕朝對者伏以北  
通玉塞西渡金河路出重關程逾萬里班定  
遠之經歷才及烏孫張博望之訪尋祇過青  
海或蛇州魁磧人跡莫窮或飛雪流沙馬蹄  
難至由是聲教或異職貢少修崑嶠白環首  
標瑞典鍾山火玉顯謂祥珍況身毒居葱嶺  
之陰于闐隔雪峯之外天竺遼復跋涉辛勤

仁覃九土成臻積昱之私政布八荒已洽雍  
熙之化由是群方述職重譯賓庭屬祝聖之  
昌辰標壽春之大節布鴻私於二教灑皇澤  
於萬區呂延昌久處煙蘿深精藥餌方專心  
於葺理敢企望於寵榮豈謂陛下念切勲臣  
獎深術學以呂延昌醫方著効致 彥謹危  
疾蠲除迥降隆恩顯頒命服寬裳象簡難勝  
天地之私暮燭朝香誓答聖明之照且某與  
道衆等不任

廣成集卷之二

廣成三

廣成集卷之三

敢三

上都太清宮內供奉應制文章六德賜紫杜光庭撰

宣進天竺僧二十韻詩表

臣某伏覩西天三滿多到闕朝對者伏以北  
通玉塞西渡金河路出重關程逾萬里班定  
遠之經歷才及烏孫張博望之訪尋祇過青  
海或蛇州魅磧人跡莫窮或飛雪流沙馬蹄  
難至由是聲教或異職貢少修崑嶠白環首  
標瑞典鍾山火玉顯謂祥珍況身毒屠葱嶺  
之陰于闐隔雪峯之外天竺遼復跋涉辛勤

慕中華億兆之尊嚮大蜀聖明之主專申朝  
覲實美簡編伏惟陛下縱聖體乾膺圖啓運  
德逾義頊仁冠堯湯修文德而御要荒耀武  
功而安寰海故得西夷率服萬寓知歸南通  
交趾之鄉北聚穹廬之俗獻琛奉贄無曠歲  
時竊惟聽政之餘每降自天之澤興弘玄釋  
勸獎崇修梵刹精嚴道宮煥麗一心齊致二  
教俱榮紫霞洞之仙客効祥天竺國之胡僧  
入貢咸歸睿感共福皇圖率土臣寮同深抃  
蹈臣某芝田末學蓬岫孤蹤獲奉天慈俯宣

廣成三

明命謹課頌聖德七言詩二十韻一首陳進  
冒黷宸嚴無任兢懼戰越之至

賀封資王忠王表

臣某伏觀降制封資王忠王者絲綸顯降典  
禮昭行宗社貽休寰區增抃中賀伏惟皇帝  
陛下仁推立愛道慕篤新增玉曆於延洪固  
瑤枝於遠大鳳書錫命麟趾增華浮喜氣於  
絳霄集榮光於朱邸臣歡逢聖運仰觀威儀  
不任

賀新起天錫殿表

臣某伏觀恩勅大內新殿成賜名天錫殿者  
鼎新正寢光錫嘉名中外榮瞻華夷增抃臣  
中賀伏惟皇帝陛下承樞啓運握斗垂衣包  
九土以君臨闢四門而敦睦法天構宇隆帝  
宅於上京括地開基壯皇居於億世由是前  
羅象闕遐敞龍庭總日月之貞華高嚴秀闈  
集星辰之瑞彩廣啓文軒巍莪歷參井之墟  
爰業應氏房之狀莫不嶽靈飛礪川后貢材  
人以子來功資神助雖鎬宮魯殿彼錄細以  
難儔漢闕周堂固尋常而莫並功云告畢寶

廣成三

額爰新顯神授於上玄以符天錫耀宏圖於  
八極永播聖功臨海嶽而閱琛珍會諸侯而  
朝萬國將陳大禮以福群方叶神明贊助之  
期廣天地遐長之壽臣某榮逢聖日仰覩神  
功不任

賀聖體漸痊愈表

臣某言伏審昨日已來聖體頓就安愈臣某  
誠歡誠躍頓首頓首伏惟皇帝陛下深仁御  
宇至道垂裳惠匝萬區恩周品物晝乾夕惕  
焦勞而腠理愆和肝食宵衣憂軫而寒暄爽

候今則神明幽贊川嶽効靈清廟貽祥玄穹  
降福克安聖寢彌增雨耀之輝廣納洪休益  
永萬年之壽華夷抃悅億兆歡呼臣某日旬  
以來眼疾未減不獲趨馳玉闕蹈舞天階瞻  
望煙霄不任

秋三

三

### 賀疾愈表

臣某言伏審聖體已就痊平中外臣寮咸增  
踊躍臣某誠歡誠抃頓首頓首臣聞五緯經  
躔尚有差其行度四時運動猶或爽於慘舒  
雖寒暑之乖宜蓋陰陽之常數伏惟皇帝陛

廣成三

下順時設教以德臨人萬機每繫於宸襟六  
氣稍違於聖體今則神靈叶贊宗廟垂祥廣  
集天休頓安聖寢足嗣唐堯之一統永延周  
帝之遐齡頒賞錫於醫功恩流海內帑鼓呼  
於品物聲震層霄臣昨自三月已來偶縈疾  
苦不獲隨倒舞蹈堯階無任歡呼屏營之至

### 謝手詔表

臣某言今日伏奉恩旨以臣今月十一日上  
表稱賀聖體痊復事賜手詔獎飭者絳闕流  
恩紫泥頒寵仰承天造俯慰凡庸臣某誠榮

誠恐頓首頓首竊以臣叨將疎野幸列班行  
雖焚修每祝於龍圖而旦夕合趨於鳳闕泊  
嬰疾苦稍曠朝天昨日以皇帝陛下庶政懷  
勞萬機闕念偶致違裕尋就痊和是以臣稽  
首歡呼飛章稱賀實簪裳之素分乃周列之  
常儀豈謂皇慈曲頒紫詔臣謹已焚香跪受  
訖無任瞻天荷聖激切屏營之至

謝宣賜道場錢表

臣某言今日伏奉聖旨以臣自前月二十一  
日就當院集在觀道衆老宿等於三清壇上

廣成三

爲皇帝陛下開置靈寶消災轉經禮念道場  
伏蒙宣賜錢二十貫文省除者伏以中朝錫  
寵內庫頒財仰奉天慈倍銘凡懇臣中謝伏  
以叨爲教主深受國恩凡日焚修皆歸職分  
豈期聖造仍降寵私仰天上之龍顏已增感  
聖捧禁中之鵝眼更切祝堯其所賜錢臣已  
依數跪受俵給道衆訖臣與道衆等無任感  
恩激切屏營之至

賀嗣位表

臣某言伏審今日皇嗣寶位光御洪圖率土

歡呼普天欣載臣中賀臣聞成王嗣位舉千  
載之徽猷舜帝繼明爲百王之茂典上膺天  
命下契人情伏惟皇帝陛下道比成湯仁同  
大禹德宜符於五緯運潛契於二儀是以克  
紹宗桃光昇寶位鼎祚彰惟新之命洪基顯  
隆永之期即使車書混同夷夏清泰九土有  
歸山之馬四溟無橫海之鯨克振皇綱永安  
大業臣叨榮昌運獲列簪裳仰馳捧日之心  
雖同龜抃俯抱卧漳之恨莫遂鳧趨臣無任  
瞻天望聖踴躍屏營之至

廣成三

### 賀德音表

臣某言今日皇帝御殿宣降德音者臣聞聖  
德法天應候每行於亭育神功體道順時克  
布於生成莫不澤被九黎惠敷萬國凡居覆  
載咸動歡呼臣其中賀伏惟皇帝陛下宅據

敢三

五

寰中日臨天下克儉而茅茨不剪栖神而金  
鏡高懸是以鴈塞窮荒雲奔玉帛雞林絕域  
霧集梯航運在無爲俗欣有道今則普宣德  
教克順正陽安地表之遺黎高開壽域御天  
錫之新殿更扇薰風慰征役於藩方免逋懸

於郡縣魅鄉遷客俱從釋宥之恩囹圄縲囚  
盡舉寬明之典式因三赦將俟一同臣伏恨  
疾瘵所縈不獲隨例蹈舞玉階無任歡呼踊  
躍屏營之至

又賀德音表

臣某言今日皇帝御殿宣降德音者雷雨作  
解渥澤滂流而九土以無遺致群生之咸泰  
華夷億兆孰不歡呼臣某中賀伏惟皇帝陛  
下嗣聖繼明握圖御宇蒸蒸大孝同漢惠以  
承祧翼翼小心比周王之纂極文懷遠俗武

廣成三

戢遐荒膺乾而化洽無垠出震而仁周有截  
今則疑旒御宇正殿宣恩安地表之黎元高  
躋壽域灑天中之德澤更扇薰風憫征戍之  
勤勞釋賦租之逋滯投荒遷旅囹圄縲囚俱  
從赦宥之私盡舉寬明之典騰歡聲於域外  
浮喜氣於雲間車軌書文佇歸一統瑤圖玉  
曆克保千春臣獲以衰遲躬逢睿聖方嬰疾  
疹不獲蹈舞堯階瞻戀天慈無任歡呼踊躍  
屏營之至

謝批答表

臣某言伏奉恩勅以臣今月二日上賀登極表一道賜批答獎飾者寵降丹青榮臨玄教綸垂五色出仙禁以昭彰日煥九芒向芝田而照燭驚榮失次拚蹈無階臣中謝伏惟皇帝陛下珠衡誕瑞玉斗縱神出震域以重光為乾樞而纂聖德超啓誦弘孝德以垂衣明繼勛華宣大明而御宇湛恩遐布惠渥旁敷歡呼振野以成雷喜氣凝空而作蓋華夷億兆就日瞻雲臣某限以衰遲兼嬰疾恙仰龍墀而潔懇陪獸舞以無因遂貢封章遙陳誠

取三

六

廣成三

悃豈謂特隆睿獎俯降天章成行之瑞露歲蕤聯幅之卿雲芬郁捧對而高衡未重感恩而溟渤非深鷦鷯至微乾坤難報所賜批答臣謹已焚香跪受訖無任荷聖戴恩之至

### 慰中祥大祥禫制表

臣某頓首頓首言日月不居大行皇帝奄及某祥伏惟皇帝陛下攀號痛慕聖情難居上為宗祧下徇億兆俯全大禮永福華夷臣衰疾所縈不獲隨例起居奉慰無任殞越屏營之至謹奉表陳慰以聞

慰釋服表

臣某頓首頓首言日月不居大行皇帝崩背如昨奄經禮制伏惟皇帝陛下攀慕永遠聖情難居四海臣妾服制終禮瞻天靡及履地無容臣伏限衰疾所縈不獲趨詣闕庭哀慟敢三臣無任感咽摧慕之至謹奉表陳慰以聞

慰冊廟號表

臣某言本月某日追冊大行皇帝尊謚及廟號者伏惟大行皇帝應天誕膺乘運開圖豐沛振衣功超於漢祖邠岐枝筆仁邁於周文

廣成三

考唐堯翊善之名遵虞舜盛明之號今則式崇尊謚爰羨聖功億兆咸哀寰區共感伏惟陛下悲纏罔極孝理萬方仰弓劍以難追奉冊書而增感溥天率土哀殞同深

慰啓攢表

臣某言伏承大行皇帝今月某日啓攢宮者哀纏百辟號慟六宮伏惟陛下攀慕哀號聖情難處對弓劍而增感歎光景以冥懷臣伏限衰疾所縈不獲隨例哀慟無任殞越屏營之至

慰祔廟禮畢表

臣某頓首頓首言伏承某皇帝祔廟禮畢者  
禮重宗祧序申昭穆克遵嚴祀永耀神功云云  
伏惟陛下順考禮經欽明孝德正春禘秋嘗  
之典宗配天奉聖之儀允集鴻休永崇清廟  
普天率土哀慕同深

慰封陵表

臣某頓首頓首言伏覩大行皇帝陵寢封為  
某陵者臣竊惟大行皇帝吞日叶祥履星應  
夢握乾元而啓曆拓坤野以開基鄙吳魏之

廣成三

三分廣行思化欲華夷之一統將混車書陵  
寢正名允符聖德伏惟陛下纂承事重追美  
為先光顯遺功輝華盛禮仰瞻懿躅稍慰聖  
情凡在臣寮同深哀慕

慰發引表

敢三

臣某言伏惟大行皇帝靈駕以今月某日發  
引者二儀交感兩曜無光億兆銜哀雲霞共  
慘臣某誠摧誠咽頓首頓首伏惟陛下孝思  
罔極聖情難居望仙駕以漸遙聽薤歌而增  
咽追攀不怠號慕難勝

賀登極後聽政表

臣某言伏審本月九日皇帝御明德殿聽政者文物羽儀初陳於玉砌行鷄振鷺乍列於瑤墀中外同歡寰瀛共賀臣某誠歡誠躍頓首頓首伏惟皇帝陛下九天誕聖七政縱神執玉斗而御乾龍將寧四海握璿衡而司大象爰牧萬方敷啓后之文明懋成王之道德今則雲開碧落齊瞻北極之尊霞散滄溟共奉大明之照恩覃有截惠洽無遐臣跡滯芝田榮逢寶運悲越吟而自感趨漢殿以無由

廣成三

瞻望堯天不任抃蹈歡呼激切屏營之至

慰山陵畢表

臣某言伏承大行皇帝山陵禮畢者神官長閉仙寢永安率土生靈不任號慕云云伏惟皇帝陛下追慕不怠聖情難居對馬鬣以增悲攀龍髯而永而遊衣尚在仙駕已遙追想英威摧慕何及臣某伏限衰疾不獲奉慰闕庭不任號殞摧咽之至謹奉表以聞

請不赴山陵表

臣某言竊承山陵俯逼皇帝陛下哀慕無窮

欲躬赴陵寢者恭聞中旨實駭人情凡彼照臨莫不惶惑臣某誠惶誠恐頓首頓首伏以帝王之孝也法天順人緣理制禮俾生靈咸若而宗廟永安未聞以弓劍之哀誠履曾閔之獨行遽勞警蹕親奉告修伏惟皇帝陛下考百王之舊儀徇歷世之成典特迴聖鑒俯契禮文遵前古之通規示後王之令範彌彰孝理以慰萬方臣不任瀝懇虔切之至謹奉表陳乞以聞

廣成集卷之三

廣成四

廣成集卷之四

敢四

上都太清宮內供奉應制文章大德賜紫杜光庭撰

戶部張相公修遷拔明真齋詞

臣聞太上開圖元皇演教三籙定金明之典功被人天九幽懸玉匱之科惠周存歿竊尋經旨遵按玄文仰祈遷拔之恩輒備懺陳之懇今月二十五是臣先妣唐楚國夫人蜀追封宋國太夫人劉氏忌辰今月三十日是臣先考唐丞相太子太師致仕蜀追贈太尉忌辰謹齎油燭香花供養之具於成都府玉

局化北帝院奉修靈寶明真道場一晝一夜  
道士一十四人三時行道三時轉經對乾象  
以披心馳香龍而上奏伏惟高尊憫鑒眾聖  
垂光普告四司關明三界降九龍符命開長  
夜寒庭鍊沐形魂遷拔神爽出玄陰之府入  
洞陽之宮罪咎救四蠲消究離解釋落名地簡列  
籍道階輪轉福鄉克登仙品九玄幽識咸遂  
超昇誓勤修奉之心上答真靈之澤

張氏國太夫人就宅修黃籙齋詞

伏以妙道玄功濟時佐國真經秘旨拯物救

廣成四

人肇宏規於億劫之前弘大化於萬天之內  
宗之者儲祥納祐修之者駕景登晨披究古  
今昭彰典誥張氏克承禎貺運偶聖明被沐  
天光輝華帝澤循懷顧分常抱兢憂省已修  
躬每為烟戒實恐往世之積瑕未懺此生之

累累將深幽陰有註訟之書冥漠有考延之  
籍又張氏今年天符臨於木墓之位暗曜住  
於飛化之年火星照於身宮仍當剋之性分  
大運逢王金之上火力稍微小運值生金之  
鄉木氣已薄緬思厄會倍用憂虞竊惟大道

無方施恩普洽式申虔祝必介休祥是用蠲  
潔丹心修崇黃籙像瑤壇而肅列按瓊韞以  
敷陳質信諸天燭蘭缸於午夜告明三界飄  
檀蕙於九時露懇馳誠希恩悔過伏惟高尊  
太上萬聖千真憫鑒叩祈昭宣渥澤勅天司  
地府命陰職陽察黑簿落名青官著錄和平  
債訟消解冤讎北都除執對之篇年齡增遠  
南極定延長之紀祿祚尤宜五行祛災滯之  
文九曜息照臨之咎常歡舜日永廢堯天眷  
屬樂康子孫忠孝九玄七祖徃逝先亡或拘

敬四

二

廣成四

滯昏衢未超福路願承道力便遂徃生利祐  
見存允蒙貞吉其有三徒六趣夜府寒鄉亦  
因懺滌之緣盡獲逍遙之果陰陽將吏宅宇  
龍神長悅豫以安寧俾凶衰而殄息上願皇  
圖遐廣聖壽延洪卜年克大於姬周享祚更  
隆於炎漢寰瀛一統書軌混同共傾捧日之  
心咸沐自天之祐

奉化宗祐侍中黃籙齋詞

伏聞道本無爲降元精而生二象象而後數  
羅五緯而備群形維地麗天無違於律曆陽

舒陰慘感繫於裁成由是善惡循環吉凶倚  
伏乾剛坤載不能排九六之期蟾魄烏輪不  
能革盈虧之勢況乎二儀稟質三命定生未  
超變化之機固有推遷之理是宜兢懷省己  
審過知非常加策勵之心冀動真靈之鑒臣  
夙承玄廕早沐敬四洪休運偶睿明身叨寵任推  
忠陳力未申匡濟之勞翊聖扶天累荷超逾  
之渥將壇相印委遇益隆蒼珮行師徽榮彌  
厚戒滿盈而徒切報君父以何階尚恐動靜  
行藏有乖於素分屬心舉念有忤於神明或

在公有失於賞刑統衆有愆於裁斷或往世  
之尤違未解或積生之冤債未祛有一於斯  
皆宜懺滌又今年二運俱逢於墓位飛天仍  
值於火星雖居華蓋祿德之方恐有刑剋照  
臨之數以茲兢懼倍切懇誠徐氏年運之中  
亦有災滯大小二運金火氣微飛官過於計  
都天符臨於生月恐為災滯志在懺祈是敢  
恭備信儀虔申齋潔按玄都品格修黃籙道  
場嚴香花於二日六時召真聖於諸天諸地  
凝神注念瀝懇披心伏惟萬聖迴光衆真流

鑒憫其丹款錫以休祥赦已往之罪瑕息將來之厄滯明星暗曜無臨照之凶三命五行除衝妨之會冤仇和釋債訟消平嗣胤繁昌壽祿延益九玄蒙福幽夜開光眷屬康寧龍神安豫上願聖躬萬壽大業永昌布聲教於九圍咸歡舜澤混車書於八極共樂堯仁百穀豐盈六氣均暢誓傾忠孝上酬英睿之慈克勵精誠仰副真靈之祐

上官子榮黃錄齋詞

伏以大道玄功至真妙感隨方流貺應念垂

廣成四

慈佐國濟人恩周於動植祛災降福惠及於幽明凡所啓祈必蒙昭鑒某氏以今年大小行運之內恐三命衰微陰陽宿曜之中恐五星臨照致成災厄無所告祈竊聞黃錄妙齋功德廣大無災不解無厄不穰輒罄丹誠冀蒙玄祐謹依科法開置壇場三日香燈九時懺謝至真冥應有感必通伏願三境諸天高真衆聖降無涯之澤垂廣覆之恩為某氏解除積世罪瑕多生冤債隨懺消平應時除蕩眷屬安貞公私和泰誓傾忠孝永奉聖期

飛龍唐裔僕射受正一錄詞

伏聞冥寂之初混元之首道生一氣分彼兩儀陰陽有昇降之殊清濁有仙凡之異是則紫清金闕高居太妙之庭黃軸風闌下鎮窮泉之域隨機染惑因生進退之疑委跡沉浮遂有飄零之痛既非先覺必在指迷玄元皇帝當東漢之季年啓南宮之寶笈首傳其錄大拯群生修之則駕景冲虛行之則濟人佐國或蕩平氛沴或懲革兇妖正日月之天元風雲叶候靜災邪於地紀生植無愆歷代所

廣成四

尊垂休靡極臣夙承道廢獲奉皇慈功輕而渥澤愈隆力薄而君親未報常思稟窺秘錄宗受靈文勤旦夕之香燈勵精虔而禱祝所冀家國同納福祥今則嚴備信儀恭開壇墀通宵懺滌稽首歸依蘭燈夜燭於九冥檀炷

晨飛於三境恭馳懇款冀達尊靈伏惟

啟四

五

太上三尊玄元大帝十方衆聖三洞威神鑒丹懇之誠賜感通之應靈官真氣咸賜授傳使內保身安外祛災沴名臻道籍罪滅陰曹九玄離積夜之鄉永棲長樂舉族享無涯之

善常奉休明算壽遐延公私清泰上願龍圖  
攸久鳳曆延洪增聖壽於無疆乾坤共永布  
皇恩於有截海岳咸安同爲至道之風共暢  
無爲之化

皇太子青城山修齋詞

臣聞靈寶陳規齋戒感希夷之兆真文設教  
行藏通修鍊之功莫不啓之於心弘之於道  
上可以虔祈穹昊昭達玄微次可以宣布情  
誠祇延福祐永言清信敢薦虔恭伏以皇帝  
劃地開基法天垂覆定禍亂而爰承土德闡

廣成四

真明而克應金行翼翼小心弘朽索薄冰之  
懼乾乾夕惕有櫛風沐雨之勞備歷歲時益  
勤祇敬是致年豐歲稔國富兵強定蜀漢之  
疆圻扼黔巫之襟帶允文允武咸序彝倫至  
公至平式崇治本四方慕義萬里歸仁梯航  
無隔於高深書軌盡同於風教蓋九霄之靈  
蔭信大道之冥扶是使帝圖幸昌宸算永言  
戴仰彌切兢持近者以星象留行稍淹時景  
分野觀矚實資禱祈是用潔志清心忘機滌  
慮召十洲之法侶約三洞之玄科敬設清齋

仍修大醮伏願上真降鑒衆聖宣慈迴機軸  
於玄關啓輝光於丹道凡言災沴並獲消除  
但有吉祥皆承應感增聖壽於千秋之外播  
皇猷於萬宇之中壽山采峻於五山福海更  
深於八海與乾坤而齊固共日月而合明叶  
華戎推奉之情遂六臣子依憑之懇盡繫至教  
俯契微衷冒瀆真仙無任兢惶戒懼激切屏  
營之至謹遣得一大師賜紫張茂卿等一十  
四人虔修法事願鑒丹誠

普康諸公主為皇帝修金錄齋詞

伏聞道混虛無泮玄黃為九玄之始象凝恍  
惚標化育為獨化之源於是覆載以乾坤照  
臨以日月三才共道剛柔之用迭興品彙攸  
生善惡之端遂列然後降之以君父佐之以  
股肱法高皇不宰之慈體大帝無言之煦弘  
安疆域大庇黎甦伏惟皇帝陛下出震臨人  
承乾御曆稟樞機之精耀含嶽瀆之靈源明  
契三辰運符四序當天人之允屬表識瑞之  
咸臻因念陵夷遂康烝庶鎮寧郡國割裂江  
山辛勤倖大禹之功化洽媿成周之德豈忘

宵旰莫憚焦勞是用和平永期清泰其等今  
以時當端月節遇正陽屬二氣之將交處午  
位之炎景思弘百福用薦千齡啓金錄之靈  
壇造玉京之勝地伏願皇帝明齊月桂壽比  
天榆握金鏡以御寰瀛致衝樽而歡億兆垂  
旒問道覩元凱之忠貞敢四負宸調元獲變龍而  
翊贊四三皇而永固一六合以無虞仰奉虛  
皇俯垂玄造冀納虔祈之志獲申懇禱之誠  
皇太子爲皇帝修金錄齋詞

伏以浩邈無涯育乾坤者至道彌綸莫極運

造化者玄功凝一氣以生三才周六虛而吹  
萬有所以春皇秋帝雲紀火官承妙用以御  
寰瀛體無爲而統天地曷常不舍和韞粹端  
拱穆清執大象以臨人乘飛龍而布化雖流  
金爍石湯德彌光懷山襄陵堯風益扇皇帝  
應圖負宸握鏡開基慕玄元慈儉之宗仰黃  
帝華胥之躅日慎一日雖休勿休故得聲教  
旁敷京坻積稔俗臻暇豫民樂雍熙交歡自  
洽於鄰封賾贖爭來於絕域倍增寅畏祗荷  
穹昊昨以垂象飛芒天文烟戒躔次雖殊於

宵旰莫憚焦勞是用和平永期清泰其等今  
以時當端月節遇正陽屬二氣之將交處午  
位之炎景思弘百福用薦千齡啓金錄之靈  
壇造玉京之勝地伏願皇帝明齊月桂壽比  
天榆握金鏡以御寰瀛致衢樽而歡億兆垂  
旒問道覩元凱之忠貞負宸調元獲變龍而  
翊贊四三皇而永固一六合以無虞仰奉虛  
皇俯垂玄造冀納虔祈之志獲申懇禱之誠  
皇太子為皇帝修金錄齋詞

伏以浩邈無涯育乾坤者至道彌綸莫極運

造化者玄功凝一氣以生三才周六虛而吹  
萬有所以春皇秋帝雲紀火官承妙用以御  
寰瀛體無為而統天地曷常不舍和韞粹端  
拱穆清執大象以臨人乘飛龍而布化雖流  
金爍石湯德彌光懷山襄陵堯風益扇皇帝  
應圖負宸握鏡開基慕玄元慈儉之宗仰黃  
帝華胥之躅日慎一日雖休勿休故得聲教  
旁敷京坻積稔俗臻暇豫民樂雍熙交歡自  
洽於鄰封際贖爭來於絕域倍增寅畏祗荷  
穹昊昨以垂象飛芒天文炯戒躔次雖殊於

分野禱祈勵切於焚修恭啓皇壇敢希鴻福  
仰玉清之玄化稽首知歸開金籙之道場齋  
心發願所貴者達誠碧落薦壽皇躬與日與  
月之同明共地共天之咸乂青詞奏御俾金  
慧以韜光丹表通真致珠囊之叶度災纏永  
息禎瑞常臻鳳曆克調狼煙不警政隆三五  
祚越億千位忝儲宮實欽仙境輒傾素懇仰  
均至玄慈

中元衆修金籙齋詞

伏聞至道希夷真精玄寂弘化於混元之表

廣成四

凝光於太極之先散淳一之根潛分步驟鼓  
生三之氣以制寰瀛所以乘龍馭氣之君書  
卦垂衣之后順敷道要創厥皇基恢妙用而  
福寰中布神功而利天下昭彰帝紀炳蔚人  
文允屬睿朝誕應天睠皇帝儀乾受命應運  
開圖繼軒黃帝頊之靈源茂賈父文王之至  
德纂承土運光啓金衡端旒宸以穆清慕唐  
虞而真正思洽大同之理以康九土之民稼  
穡連豐華戎咸泰皇儲輝重明之美遐方贊  
有道之風中外恬夷生靈輯睦祝屬三元令

序大宥昌辰宜虔齋潔之誠共祝君親之壽  
拂瑤壇而展禮按金錄以陳儀龍綵質心香  
花備信焰九光之蓮炬下照冥津飄三素之  
檀煙上聞真域必冀三天降祐萬聖延慈宗  
社隆昌寶圖安鎮齊乾坤於聖壽等日月於  
睿明文德武功綏寧八極天枝寶胤輝映萬  
齡儲皇享椿桂之年常扶大業妃后繁禎繫  
之德共翼宸居朱邸清朝彌臻景貺外藩內  
輔益履殊榮常樂雍熙皆登富壽其有宿殃  
積累往債前寃年辰命運之災火算紀飛旗之

厄乘茲懺謝並乞消平即冀宗廟尊靈聖神  
三境臣等九玄七祖受福諸天貽祚流祥傳  
休無極上願天文昭著象緯澄清回直符太  
一之旗息玉慧金芒之耀蕩憂患於井參之  
野延福祥於梁益之墟九穀無虞五兵斯戢  
螟蝗水旱無肆沴於農功疫癘凶荒靡非災  
於閭里幽關舒泰品類滋榮海岳歸仁寰區  
稟化至有立功將士往逝都頭勳著勤王忠  
推致命每因齋薦皆為懺祈必離冥漠之鄉  
更遂逍遙之適或幽陰尚滯渙澤未霑或嗣

續已無莫羞多闕九宮符命即為遷神三錄  
洪恩俱令濟苦勿為疵癘速詣福建動植飛  
沉盡登真道

皇帝修符瑞報恩齋詞

蓋聞歷代帝王受天符命咸宗至道以御鴻  
圖莫不用慈寶以臨人仗玄功而濟物克致  
雍熙之運仍頒祥瑞之文顧以薄躬猥臨大  
寶寰區尚擾思偃武而未臻法令頒行念措  
刑而莫得內惟兢業莫敢違寧今年七月漢  
州十邠縣百姓郭迴芝於仙居觀採藥耕地

廣成四

掘得銅牌長七寸廣四寸上有六十字老子  
通天記云丁卯年甲戌乙亥人王生享二百  
年天子王從建王元膺王萬感王嶽王則王  
道宜五字篆文後云北邙化張弘道天寶留  
此明聖代欽承玄貺虔佩靈符識大道之垂

休知卜年之惟永爰傾丹懇用答殊休按九  
等之科儀修靈寶之法事所願丹心徑達聖  
鑒俯臨社稷永昌休徵必應四時合序萬物  
以嘉俾令率土之賓盡保無疆之福稽首謹

詞

黃齊助中元黃錄齋詞二助然燈詞

伏聞三元大宥乃諸天降福之辰九夜長幽  
是厚地重陰之境將消積暗爰假神燈上納  
三光下照群爽經科所重濟護攸先今屬序  
屆中元壇開黃錄三時朝懺萬罪蠲消輒備  
香油同申供養伏冀鸞輝鳳焰凝光地府之  
中星布蓮敷散景泉扃之內盡超苦趣永出  
冥津九相生天六親介福災祛未兆善洽無  
疆奉上安家並希元吉

黃齊為二亡男助黃錄齋詞

廣成四

臣聞包容萬象至道為亨育之尊弘濟群生  
天尊演虛無之道莫不恩覃纖芥澤普存亡  
明真開玉匱之書長夜釋重陰之苦丹誠上  
感玄貺必臻臣過咎夙彰神明垂譴纒逾一  
月繼喪二男憔悴中年寂寥孤影痛蒸膏之  
時絕念冥漠以何依懼彼營魂尚為拘滯伏  
思遷按唯仗焚修捨其服用之資助此香燈  
之會涼颿韻磬應聞泉曲之中秋月凝壇想  
照夜臺之下願乘齋福俱出幽關鍊魄朱宮  
生神絳府各遂逍遙之路盡登清淨之鄉永

奉正真長居道域人間天上終際會於善緣  
萬劫千生更團圓於眷屬昭昭願力真聖鑒  
知不任涕咽虔祈之至

趙部助上元黃錄齋詞 三首

至道流慈元皇垂貺三宮四赦爰孚作解之

敢四

十一

恩品物昭榮共樂如春之澤皇壇巨祐幽顯  
無遺臣以庸愚叨逢聖運早承寵祿常戒滿  
盈猶恐年歷之間星辰之內因纏厄會尤切  
兢憂輒因黃錄道場虔申悔謝仰希上聖俯  
鑒冲襟密賜福祥潛祛災咎壽年增益家眷

廣成四

康宜存歿幽明同臻景祐

中元

律移朱夏節應素秋鼓夷則於西郊歛火雲  
於南極裁非戒惡允屬茲辰猥以塵凡叨親  
道化身叅丹錄名隸玄臺而過尤易結世網  
難祛動靜行藏未混融於大道年辰宿曜猶  
纏集於衆災輒因黃錄寶壇助營香供冀蒙  
聖力俯鑒愚衷開罪書而解救愆尤豁塵累  
而蕩蠲厄難九玄受賜舉族霑榮永承祐護  
之恩誓竭歸依之願

下元

臣以宿因獲承積祐早參職務忝官榮而  
所主重難常深憂懼尚慮行年災滯星曜加  
臨遂履困蒙莫知祈告今屬玄冥屆節水帝  
司辰星杓方指於孟冬朔氣正雄於北陸年  
光遷貿修奉彌專敢因九奏之壇虔瞻上聖  
盡瀝萬重之懇願降殊慈賜臣罪咎消平災  
凶殄息前寃宿債乘功德以和寧徃世今生  
荷懺祈而濟拔九玄享福舉族霑榮克承憫  
祐之功永勵歸依之懇

廣成四

馮涓大夫助上元齋詞

十五

伏以大道垂文澤周存歿天尊演化恩及幽  
明廣敷九等之科以拯重冥之苦敢持哀懇  
仰叩玄關今月二十六日亡妣隴西郡君贈  
隴西郡太夫人李氏忌齋詣玉局靈壇因上

敢四

十二

元勝會同修香供用禱福祥伏願亡妣鍊景  
朱陵棲神玄圃悟恬澹希夷之道契長生永  
劫之真玄會無為克臻妙果

中元

伏聞黃籙明科紫陽具典玄元勝力丹簡宣

恩拯拔幽沉照臨冥夜古今宗稟生死銜恩  
有感必通所祈克應本月二十六日是臣亡  
妣贈隴西郡太夫人忌辰輒因玉局壇場中  
元齋薦同申修奉冀達真靈伏願亡妣乘此  
福緣高昇道境遊神碧落蛻影丹臺永登快  
樂之鄉克證希夷之道

下元

伏以黑帝御時玄冥肇序下元勝會大有昌  
辰所宜虔祝上真勵精下土用祈禎貺以福  
存亡今以玉局靈墟瑤壇展禮輒持法信用

助齋誠敢希衆聖鑒臨萬真昭祐九玄開度  
超離冥漠之鄉五族叶和長荷安貞之福火  
凶殄息罪咎消平永誓丹襟仰承洪澤

周庠負外助上元齋詞

伏聞齋敷九等節啓三元是萬方禱福之辰

敢四

十三

是衆聖宣恩之日今屬玄元真化玉局靈壇  
陳黃錄之儀按玄都之品九時奏御三日焚  
修精助香燈同申懺滌伏冀高尊錫祐大道  
流慈採納精誠降頒鴻福九祖遂超昇之願  
六親霑覆護之仁消厄滯於將來解寃讎於

既往罪咎原釋疾苦痊平壽祿增延凶災  
蕩克叶發生之德敢忘大道之恩

下元

伏以玄帝司辰水官統序乃請福延恩之  
是凝心滌慮之期況玉局仙蹤瑤壇盛禮  
時焚祝必介於休禎三日齋莊敢同於懺  
所冀災纏殄息冤債消平罪咎咸蠲存亡  
泰永虔修奉以答玄慈

盧蔚大夫助上元齋詞

伏以大道周行三元立訓陟明考校毫末

遺臣早慕玄虛夙宗清淨每展恪勤之懇以  
祈昭祐之慈今以玉局靈壇上元福會輒膏  
香燭同助焚修所祈消解灾凶滌除罪咎蠲  
平疾厄延益年齡善功克被於存亡禎貺旁  
周於眷屬永勤丹慊仰副玄慈

上元

伏以考校良辰先春令序當上元陟明之節  
乃群生舒泰之期式罄齋誠以申虔祝今屬  
錦都靈化玉局瑤壇啓黃籙之真儀展玄科  
之盛禮輒持香信同助良因伏惟衆聖垂慈

萬真昭鑒憫其修奉錫以禎祥惠普存亡遐  
祛罪咎解災纏於未兆增祿壽於惟新永勵  
丹心上副玄貺

中元

伏以四始周行三元定錄陟明顯晦考校無

遺敢臣素奉道科十四早師玄寂每逢良會必勵修

崇今以玉局朝元霜壇歲事輒費香燭潔助  
齋功所祈大宥之恩允降自天之澤疾恙痊  
愈祿筭增延仰薦先靈旁沾眷屬永承丕祐  
欽贊元勳不任歸命丹切之至

下元

伏以水德配時玄冬叶候當二氣謹歲之節  
是諸天校會之期所宜勵志重玄凝心至道  
滌瑕悔過請福希恩况玉局皇壇錦城福會  
敢營香幣同助齋修三日肅虔九時朝懺冀  
蒙昭祐廣賜休祥賜巨玄祖超昇陰冥開泰  
存亡濟度災咎銷平釋寃債於夜庭落罪尤  
於地簡疾厄痊復筭紀遐長誓傾嚴奉之誠  
常副真靈之祐

廣成集卷之五

上都太清宮內供奉應制文章大德賜紫杜光庭撰

上元玉局化衆修黃籙齋詞

伏聞道出虛無之表職在生成德超仁義之  
先功包慈育化綿億劫教普群方由是三呈  
以道御乾坤五帝以德承天地人臻福壽俗  
致雍熙雖金木運遷步驟時革理家康國惟  
道爲先行之則四海晏清代還淳樸建之則  
中原版蕩物變澆漓我國家師太古之風紹  
玄元之訓懷道抱德祖舜述堯故能縱神武

以滌埃氛中興鳳曆光聖文而安社稷克固  
鴻圖臣等夙荷道慈獲逢昭運微功未著寵  
澤已深思虔齋潔之誠仰報君親之德今屬  
天官統序木帝司方當上元校戒之期是下  
土精修之節共資法信同詣靈壇備玉邊金  
豆之儀陳十極四華之禮蓮缸散燭續陽景  
以燭幽關蘭炷飄煙御星躔而達卑懇必冀  
衆真迂駕萬聖迴軒俯鑒群心洪流巨福上  
扶宸極安帝業以天長仰奉廟謀鎮坤維而  
地久邊烽不警氣序式和穀稼滋豐生靈舒

泰案瀛輯睦車軌混同妖沴不興楨梓荐委  
臣等存亡介福七祖生天族屬沾榮三災弭  
息或前生今世罪網未祛或往債宿冤過尤  
未解或刑章有失或宰割不明或故殺誤傷  
因成報對或運心履行有犯神明或土木奢  
華服用繁侈三官紀過五帝司非憑此懺祈  
皆希洗滌賜臣等壽齡延永祿祚遐長災厄  
蠲消寃讎和釋其有同心事主戮力勤王風  
露先驚古今俄隔緬惟夜府願享福緣爰仰  
濟拔之因俱遂超昇之路其次蒸嘗曠絕冥

漢無依亦俾往生勿為淪滯龍神正秩五廟  
靈司乘黃錄之殊恩沐玄都之景貺肅清風  
景安鎮方隅疫毒無侵干戈不作蛸翹異品  
動植殊形六趣四生三途五苦九龍符命三  
寶威光普沐神功並登真道

白可球明真齋讚老君詞

伏聞道本至無化分妙有功包覆燾恩普幽  
明家國稟之以安寧存亡得之以開濟神威  
靈澤妙用無窮巨以玉局洞天神仙與府將  
申瞻敬式表宸儀遂為玄祖幽局塑造真像

廣成五

眸容端穆侍衛駢羅疑珠宮下降之初若玉  
座浮空之際巨功既就妙相益嚴日角月玄  
煥矣群生之主綠眉皓髮巍乎萬聖之尊永  
福一方以鎮靈化是用虔修表讚載展誠祈  
披玉匱之科備明真之典轉經行道然燈炷  
香瀝懇上玄冥心下土伏冀傾光三境迴駕  
九清憫鑒塵微降流禎貺潛扶寶杵密祐聖  
朝契自然清淨之風臻太古無為之理次願  
坤維肅穆川境晏安符瑞有聞災凶不作巨  
九玄幽爽七祖魂神出長夜之庭昇洞陽之

三

館毀絕地錄超翥天衢泊乎有識舍生三徒  
六趣俱霑景福各遂生成巨積罪銷平宿瑕  
除蕩災纏霧廓道化風行得因象之玄珠入  
希夷之秘錄誓精修奉以答玄恩

溫江縣招賢觀衆齋詞

伏聞妙道融真敢五高出混元之表天尊立教光  
敷浩劫之先歷代化人隨機濟物大惟邦國  
普及幽明俱賴神功咸承景貺臣等叨逢聖  
運夙稟真詮欽玄元道德之宗觀烈祖神仙  
之躅尚拘世網未脫樊籠分地用天恭守玄

廣成五

四

儒之訓節財約已敢忘覆載之私今屬至聖  
垂衣元勳撫俗五兵罷警百穀荐登野洽謳  
訶人歸富壽當九井降生之月是三台誕瑞  
之期將報洪恩莫先黃籙是敢博求衆力同  
備信儀嚴飾仙蹤遵依秘格披心十極歸命  
諸天然燈炷香馳誠達懇伏冀三尊駐景下  
察丹襟萬聖迴軒傍流玄澤上扶社稷配天  
地以安禎仰贊聖躬同日月而輝煥台星福  
曜常鎮坤維將畧廟謀永宣井邑一方昭泰  
四境乂安疫毒無侵戈鋌不作臣等九玄七

祖超度泉扃五族六親允蒙禳祐銷平罪各  
和釋災凶農蠶克保於豐穰幽苦咸期於扶  
濟龍神鎮守風雨均調道化周行靈威廣被  
茫茫九土擾擾四生承黃壇普懺之緣因太  
上九龍之命俱昇道果普陟仙階飄浮花祭  
之魂霜露霑零之魄勿為疵癘各遂往生道  
力所覃永叶元吉

犀浦劉殷費順黃籙齋詞

伏以清淨之宗託重玄而設教生成之本資  
妙用以宣功家國稟之而允昌古今運之而

廣成五

不竭粵惟道化首出帝先今屬睿聖御天元  
台分闡敷弘道德字育蒸黎法伊堯媯舜之  
仁邁后稷臯陶之德萬方有泰四境無虞共  
感殊恩何階上答是用率勉寮屬考按經科  
嚴飾壇場備申齋潔精香燈而達懇奉信幣

敢五

四

五

以表誠注念九清馳心三境伏冀玄光下燭  
至聖冥通俯鑒群情滂流巨澤上扶帝業光  
讚聖朝比三辰以並明姬兩儀而等固鯤池  
鳳穴之野聲教遐傳桑津蒙谷之鄉車書混  
一保寧藩部匡佑元戎天祿永增壽涯彌廣

臣九冥玄祖超苦趣於幽關五族周禱  
緣於道域封隅之內三農有積於倉箱政化  
之中群瑞日編於簡冊干戈靜息疵癘無侵  
其有滯骨飄魂久悲風露傷墳敗廟常苦凋  
荒乘此勝因咸臻妙樂龍神安鎮士庶昭甦  
蠢動有生同昇福界

飛龍使唐裔爲皇太子降誕修齋詞  
臣聞惟道爲大運玄功而生育乾坤惟帝爲  
尊握洪樞而主張造化廣司萬國遐統群生  
承景命於三清定宏基於九土由是瑤圖積

廣成五

瑞銀漢騰華載誕元良恢弘大業今屬祥虹  
泛綵寶電飛光當重離啓耀之期是率土虔  
誠之節敢披雲笈恭詣仙壇備靈寶之道場  
儼長生之勝會鯨鍾鳳磬飄逸響於九天鶴  
焰龍煙達精誠於三境伏冀皇圖隆永均雨

敬五

五

露以無窮聖壽高崇與八溟而比大六宮內  
職協讚宸居萬彙群方昭宣睿德皇太子龍  
文鳳質嶽固松貞超漢盈周賢扶一統大同  
均化旁及黔黎共宗有道之期並洽無爲之  
運臣其不任禱祝虔祈歸命之至

六

興州王承休特進為母修黃籙齋詞  
臣聞上聖垂科天真設教神功救物無遺動  
植之中惠力宣恩普及昇沉之內粵自玄古  
逮于茲辰荷澤蒙慈莫知紀極由是鄴山北  
部潛祛邪沴之塵斗極南昌廣布生成之煦  
必資虔潔方獲感通臣猥以凡微叨榮道廢  
遭逢睿獎踐歷官裳入侍天階高陟九霄之  
上出持符竹寵臨千里之中或齊肅師徒須  
行刑憲輯寧封部須舉威章慮乖折衷之宜  
自擬過尤之目以茲兢灼常真肺懷今則臣

廣成五

七

母竇氏本命甲子某月日生災運所纏遂嬰  
疾苦雖勤服餌未獲痊平恐是往債宿冤尚  
為注訟前生今世旋結罪名或星曜所臨或  
年辰所歷凶災凌撓命祿衰微曉夕憂惶罔  
知救護況臣主持王事迢遞道途不得躬奉  
庭闈親調藥膳心馳萬壑目斷千山惟憑大  
道之慈集感通之効是用歸依靈觀稽首  
華壇修黃籙道場告玄真上聖願迴聖鑒俯  
介福祥賜臣母氏易短促之齡益遐長之祚  
蠲消厄會蕩滌災衰使六氣均調百關康愈

咎瑕除解寃債和平克瞻日月之華別降生  
成之福三途幽夜六趣殊倫同享勝因共臻  
善貺九玄開度五族安寧微臣常奉二親得  
勵旨甘之願榮朝聖主永勤忠赤之誠惟誓  
丹襟上副玄祐不任瀝懇望恩虔祈之至謹

敢五

六

詞

胡常侍修黃錄齋詞

臣聞妙本希微至真虛寂運神功而化育陶  
品物以生成應感無私周流靡倦所以九玄  
三古咸宣壽載之慈天上人間共沐涵濡之

廣成五

八

澤金科玉律雲篆瑤章先萬法以垂文具九  
流而拯世大哉至教無得而稱臣夙荷道恩  
欣逢景運優游玄造沐浴皇風逸豫順於天  
和俯仰榮於大化早參秘錄常勵明誠燧燭  
焚香每肅虔於曉夕瓊儀寶韞敢有怠於敬  
恭族屬周親常臻廕護是用精修黃錄上奉  
玄休案十華三境之儀備羽磬霜鍾之禮歸  
心萬聖稽首諸天伏惟俯鑒丹襟曲垂玄造  
憫茲誠欵錫以休祥賜臣九祖七玄生天證  
道六親五族受福霑榮存亡均康濟之仁動

靜獲安貞之賜災凶殄息寬債和平罪咎蠲  
銷祿筭延益普天含識率土懷生俱承道德  
之緣永樂雍熙之化不任歸命虔祈之至謹  
詞

李玄微為亡女修齋詞

卷五

臣粵自塵微早依真教叨深玄渥風荷靈休  
迫以俗機縈纏世網久拘職宦罔遂初心思  
羽褐以未期欲奮飛而徒切依棲修敬敢息  
私誠而過咎所鍾女子殞逝光陰徂往傷痛  
難勝但女子初笄之年歸于儀氏夫歿之後

廣成

九

誓志道門已造製法衣繕寫經錄永期頂冠  
佩服虔奉修持值臣以王事征行未果前願  
俄嬰疾恙奄此淪亡抱幽懇而莫申念冥關  
而增恨伏惟三尊慈憫衆聖哀憐曲迴鑒祐  
之恩特降遷昇之澤俾其魂魄得契歸依積  
生之寃債銷平在世之罪瑕蠲釋技度幽泉  
之苦獲居善爽之中道力玄功常加祐護其  
亡女所修寫法錄道衣等謹於道場前焚燒  
上奏伏惟至聖鑒照愚衷勅其魂神開度領  
受臣不任瀝懇虔祈哀痛迫切之至謹詞

巨聞天地分靈君臣定位必資輔贊用致昇平猶風虎以相須若雲龍而感契由是吹塵入夢諭鼎膺求審像生賢熊氏卜臯夔之旦堯曆元凱虞朝齊軒后之風莫不輝灼帝圖光昭史筆以康億兆以福寰區今屬歲紀壬辰日乘庚午朔居天候月合水衡凝南斗之禎休集東陵之瑞彩景風入律星火開祥誕昂降嵩允當令序叨備青襟之列輒祈玄聖之恩虔詣華壇願崇鴻福蘭缸夜燭檀德朝

廣成五

飛仰陳三奏之儀必達九天之鑒伏冀青函紫筆延生題東極之書絳簡朱編得道署南昌之籍壽同山峻祿並海深樂境增澄萊衣顯德鴈序繼三台之美鯉庭超七葉之雄陶冶九圍匡扶元聖政歸一統俗洽大同普覃夷夏之方永鎮雍熙之化臣其受恩隆異省已虛辱惟叩靈真曾明感激不任瀝懇虔心歸命之至謹詞

收五

宣勝軍使王讓爲亡男昭胤明真齋詞

伏聞大化無方神功廣被洞幽明而赴感普

生死以垂恩拯度無遺古今蒙澤臣頃者專  
征北陸統領師徒橫黑稍以臨戎誓傾臣節  
奮凋戈而効命志洗國儲山川有登涉之遙  
糧饋有輓輸之重惟期辦集正切憂兢又一  
軍之人苦於瘧疫死傷枕藉相望道途兼小  
男昭胤疾恙所嬰性命懸迫發丹誠而啓願  
冀玄聖之鑒臨尋遂迴戈免貽曠闕再朝丹  
陛祇奉皇慈恭荷道恩敢申昭謝是用按洞  
玄品格披靈寶典儀考九幽長夜之科遵玉  
匱明真之式精修齋直上答靈慈伏冀三界

廣成五

十

照臨諸天憫護賜九玄七祖超苦趣於幽關  
眷屬親緣享福祥於昭代臣積生疊咎徃世  
冤讎及主務已來公私負犯或賞刑不當或  
裁斷失宜俗有怨嗟過書陰騭致使動貽障  
塞莫值亨通晝夜循懷常增憂惕因今齋謝

敢五

九

並乞懺除亡男昭胤未及壯年飄魂異境憫  
其淪謝悲痛尤深或有邪沴侵傷或是幽靈  
拘制虔祈道力俾遂生神度南丹流火之庭  
昇上境洞陽之府參玄證品悟道登真罪咎  
蠲除冤債和釋臣等災纏超解厄運清消祿

秩壽涯更期延益惟勤誠節永酬聖主之恩  
克勵焚修仰副真靈之祐

王承鄜為亡考修明真齋詞

伏聞至道開圖三尊垂教惠覃幽顯澤浹死  
生遊觀八門播弘慈而濟苦憫傷幽夜迴法  
炬以流光南宮闢鍊化之庭丹簡啓超昇之  
籍上智童子願開罪福之由飛天神人請示  
懺陳之品敷明真奧典拔度幽關披玉匱靈  
科解銷考對玄清昏翳灑潤焦勞拯拔窮魂  
咸為善爽終天載劫俱沐玄慈臣先考運偶

廣成五

十二

道風常叅寶錄身逢聖日累踐官榮處世網  
之中寧無過悞履塵寰之內必有愆違况職  
主庖羞須行宰戮旋司戎伍每舉刑章出領  
郡符入居近密或抑強撫弱或三令五申既  
爽重輕即為釁咎又自鄉闕隔越兵火亂離

故里墳塋或有侵毀塚訟延注逮及子孫兼  
割貨所居移易門巷土木修造有觸明神以  
此憂惶皆祈懺謝是敢遵靈寶科格修明真  
道場精潔香燈豐嚴信幣披心露懇悔過希  
恩伏惟

太上三尊十方衆聖神光下燭惠渥滂流救  
先考累世已來深殃積罪削名地簡濯質天  
衢故傷誤殺之愆往債前寃之目後嗣考延  
之咎先人怨責之瑕並賜原除內外清淨即  
乞鍊神丹霍列籍青華不經於岱嶽鄆山克  
證於福堂天路上願九玄開度七祖超昇墳  
墓安寧幽冥潛靜三途六趣共洽勝功內族  
外親俱臻景祐剗心杖血拜手祈天不任號  
殞激切涕咽之至謹詞

皇太子宴諸將祈晴感應靈寶齋詞

廣成五

十三

蓋聞至道應機有同響答明神赴感無異影  
隨緬惟幽贊之私每荷垂休之力六月二十  
二日皇太子之會諸將已上卜吉辰方當暑  
雨之時遂有晴明之禱果蒙靈貺叶此誠祈  
不移頃刻之間驟止滂沱之勢群山曉碧天  
高而屏翳收雲六合風清日迫而羲和弄轡  
讌筵克備中外同歡今則旋整車徒爰申弔  
伐千軍雷動山川絕泥潦之虞萬馬星馳戈  
甲曜晶熒之色佇平兇梗大拯黎元思答真  
官式陳齋薦蓮燈夜簇蘭穗朝飛儀禮精嚴

香花紛郁必達清都之聖更崇紫府之勳仰  
叩玄功以昌鴻業不任虔祝之至謹詞

皇帝為老君修黃籙齋詞

蓋聞混漠之先希夷之表厥惟至聖先宅九  
清敷澹然冲寂之宗行不宰無為之教上自

敬五

十一

三古旁逮萬區欽若真風贊乎成化粵自經  
綸之始洎膺推戴以來常慊明誠每申瞻奉  
而光靈累洽禎貺繼臻仙居賜受命之符顯  
隆基業宣室發祝祈之念必至感通由是風  
雨常均氛邪不起四封無警百穀常登祇荷

廣成五

十四

恩休寔思昭謝爰因令序特啓齋壇三日精  
嚴六時蠲潔冀憑闕奏上答玄功今則方命  
師徒將平兇醜猶資道力俾殄梟巢借豐隆  
列缺之威掃鑿齒貪狼之族更垂嘉祐永泰  
寰瀛不任祝望之至謹詞

蜀州孟駙馬就衙設銷災遷拔黃籙

道場詞

臣聞至道深微玄功廣大包萬天而布化周  
品彙以流恩故能下拯冥關廣寧邦國鎮安  
土地和喻神明皆遵宰制之歡盡悅慈悲之

力古今共稟幽顯無遺臣夙奉玄休早承皇  
澤未展消埃之効驟叨符竹之榮況累掌重  
難兼司刑憲詳評獄訟慮乖仁恕之規主領  
兵師實寡訓齊之要動貽過咎常切兢憂自  
臨莅郡城每懷兢慎遠鍾殃罰敢望生全禮  
制所拘殞絕無所偷延視息又降渥恩泣血  
籲天瑩瑩何訐竊聞玄元設教紫陽有遷拔  
之儀正一垂科黃籙有懺祈之路是敢肅嚴  
公署崇設齋壇拜表九清騰詞三界伏冀三  
尊衆聖弘潤濟之慈夜府泉扃遂超昇之路

廣成五

十五

賜鄭國夫人某氏魂神安泰福善資薰積過  
深瑕皆從蕩滌不拘地府徑上天堂七祖九  
玄前亡往逝俱昇道力齊會福庭又宅宇之  
中累經修改恐因觸動未獲安寧願憑齋謝  
之緣旁解犯違之過龍神復位土地安和居

敢五

十二

止利宜凶災銷殄城隍社廟里域真官密享  
神功永居福地上願帝圖隆固聖壽延洪太  
子諸王擁宏休而奉國后妃嬪主承景貺以  
匡朝中外寮臣六軍萬姓同歡昌運克遂安  
貞歲有豐登俗無疵癘率土之內一統萬方

並臻仁壽之鄉咸奉昇平之化不任歸命披  
心虔誠懇願之至

邛州刺史張太博敬周為鶴鳴化枯  
栢再生修金錄齋

伏聞至道玄通神功廣運裁成天地敷讚帝  
王義軒融燧之君堯舜禹湯之主莫不師資  
冲漠啓迪雍熙致祚曆之厯洪俾聲明之振  
赫或乘颿滄海或證品紫庭光燭九遐壽均  
三景伏惟大蜀皇帝乘樞御運握斗故元執  
大象而撫華夷駕六龍而綏億兆德逾堯禹

廣成五

十六

聖越義融穹廬窮髮之君奉縣向化靡漢渥  
涯之虜重譯來賓澤浸山川仁覃草木靈禽  
棲於內苑嘉獸宅於上林三秀呈祥十朋表  
異而猶勞謙恭已讓德於天符將溢簡編益  
深於撫挹今則神仙幽贊靈化垂休渥澤潤

第五

十三

洽於朽根枝幹再榮於枯栢風來翠壁重飄  
遠近之香月過華壇復覩扶疎之影其為嘉  
瑞實冠古先有以見天枝帝葉之歎亦昌聖壽  
寶圖之永遠雖禾生清廟糞吐彤庭徒羨前  
聞難偕聖感臣榮逢昌運叨領郡符屬邑之

中樞茲上瑞藻繪朝陳於龍闕絲綸夕降於  
鳳牋旋錫御詞嚴申醮祝褒稱顯煥榮耀優  
隆量恩而溟海未深荷聖而乾坤難報敢因  
皇帝本命之日修金籙道場翹罄丹襟仰祈  
玄貺伏冀諸天降鑒萬聖昭臨流巨福於社  
稷尊靈增景祐於宗桃先聖二儀並固萬國  
同文皇帝壽等岷峨明齊日月普頒正朔一  
統寰瀛皇后受福紫宸增齡丹籙皇太子永  
扶皇極養德青宮公主嬪妃榮匡聖日諸王  
百辟欽贊皇基九土又康五兵韜戢煙塵殄

廣成五

息稼穡豐登動植飛沉三途六趣俱承惠渥  
咸詣福庭臣誓傾忠孝之規上答聖明之澤

十七

廣成集卷之五

第 35/35 号

平成 3.11.22

聖和学

928

園短大

2

図書館

/

聖和学  
園短大  
図書館  
928  
2  
/

